

Daegraezgoeng

□ Cau Hinghmeiz / 赵兴梅

Bi daengz sam nyied sam, gyoengqvunz mbouj yungh iu, youh bae Runghdaihsam baiq Daegraez-goeng.

Cienzgangj, Daegraezgoeng dwg boux Lwgg yax ndeu. Yienzlaiz, de mbouj heuhguh aen coh neix, gaxgonq bohme de dai le, mbouj miz vunz hawj de an coh, gyoengqvunz couh heuh de guh “Lwgg yax”. Lwgg yax ndaej 6 bi le couh bae ranz boux caizcawj guhhong. Boux caizcawj gig simdoeg, ciengzseiz mbouj hawj de gwn imq mbouj hawj de daenj raeuj, cungj saedcej neix Lwgg yax itcig gvaq daengz bonjfaenh ndaej 16 bi.

Miz ngoenz ndeu, Lwgg yax langh cibgeij duz vaiz caizcawj haeuj ndaw Runghdaihsam bae. Ngoenzhaenx, daj

banhaet daengz banhaemh, youh doek fwn youh byajraez. Mbwn laep le, hix mbouj raen Lwgg yax gyaep gyoengqvaiz maranz. Ngoenz daih-ngeih, boux caizcawj baij vunz bae ra. Ra le sam hwnz sam ngoenz cungj ra mbouj raen gyoengqvaiz caeuq Lwgg yax. Gyoengqvunz cungj nyinhnaeuz Lwgg yax dai lo.

Boux doengzdoh Lwgg yax ndeu siengsim raixcaix, couh naengh youq gwnz rin daejnganga naeuz: “Lwgg yax ha, mwngz youq gyawz ha? Mwngz okdaeuj vaiqdi……” De doq daej doq uet raemxda. Sawqmwh, de yawjraen miz diuz roen iq moqyupyup ndeu daj dinbya ngutngut ngeujngeuj hwnj gwnz bya bae. De roxnyinh gig geizheih, hix mbouj lau dwgrengz, doq

riengz diuz roen iq neix buetrobrob coh gizensang gwnz bya bae.

Daengz byongh bya le, de yawjraen Lwgg yax dai ninz youq henz ndaek rin hung ndeu, de raemxda doeksedsed lo. De buet daengz ndaw mbanj hemq gyoengqvunz bae ram Lwgg yax dauq. Hoeng, mwh gyoengqvunz bae daengz seiz, aen goet Lwgg yax mbouj raen lo, cix miz aen muh moq ndeu youq gizhaenx. Geu buh vaih Lwgg yax coq youq gwnz muh moq. De couh bae ra gaiq rin bingz ndeu cuengq youq aen muh moq baihnaj, dangguh beimoh.

Miz boux vunzmbanj he naeuz: “Lwgg yax seiq vunz neix mbouj miz aen coh ndeu, de dai ngoenzde gwnzmbwn cungj byajraez, couh heuh de guh Daegraezgoeng ba.” Gangj sat le, gyoengqvunz couh youq gaiq rin bingz gwnzde aeu mid gaek “Aen Moq Daegraezgoeng”.

Doeklaeng, moix daengz ngoenz-ciet, boux doengzdoh Daegraezgoeng cungj dawz di nohmou caeuq laeuj bae baiq Daegraezgoeng. Mbouj rox vihmaz, daj seizhaenx hwnj, gij saed-

cej de gvaq ndaej yied daeuj yied ndei. Dingqnaeuz de youq aen moh Daegraezgoeng baihnaj gouz maz, gvaqlaeng cungj ndaej. Gyoengqvunz rox le, baez daengz ngoenzciet hix cungj bae baiq Daegraezgoeng, gouz vunz ndawranz ndaej bingzan swnh-leih.

Seizneix, moix bi ndwencieng gyoengqvunz cungj youq ngoenzndei bae baiq Daegraezgoeng. Danghnaeuz aen ranz miz daegmbauq aeu bawx, bohme de cungj bae baiq Daegraezgoeng, gouz aeu ndaej boux bawx ndei. Danghnaeuz aen ranz Lwgnyez yaek gaujsi, bohme de hix bae baiq Daegraezgoeng, baujyouh gauj ndaej ndei.

Daxmeh gou ciengzseiz gangj: “Gaxgonq mwngz cunghgauj, gou caeuq boh mwngz bae baiq Daegraezgoeng, mwngz cij gauj ndaej hwnj bw!” Daxmeh gou baez yienghneix gangj, gou cungj mbouj buek de, riuriu ndwi. Danghnaeuz gou mbouj yungh-rengz doegsaw, gouz fukheiq gouz caijsiq ndwi miz maz yungh ne?

Seizneix bae baiq Daegraezgoeng gaenq baenz aen fungsug dieg dou lo.

Saedcej Bouxcuengh Bienq Hungmbwk

□ Veiz Licinz / 韦丽珣

Raeuz Bouxcuengh mbwksai
Gvaiq mbouj gvaiq
Boux beij boux daenj ndei
Saekyiengh saenz youh geiz
Mienhmauh saen
Daenj okbae seuqcengh

Swngghoz saedcaih ndei
Seiz mbouj seiz
Youh guh ceiz suek faengx
Roxnaeuz guh haeuxnaengj
Caen dwg caen
Ngoenzngoenz dang gvaqcieng

Bya sang hix riunyumj
Yawj gwnzbiengz
Lumj ranghva mig yienh
Laeuz moq dauqcawq hwnj
Lajmbanj bienq
Gizgiz yienj fanzvaz

Haenqrengz guh gyauhdungh
Haij luz gungh
Lohloh doeng seizneix

Bae gyawz cungj bienhleih
Byaij cien leix
Hix yungzheih bae daengz

Raeuz miz rwzswnhrumz
Miz maz saeh
Couh heuhheuh geij coenz
Gaicawx yungh soujgih
Siengj doxraen
Hai sibinz couh ndaej

Seizneix seizdaih moq
Ndei dahraix
Gvaq ndaej lumj diegsien
Boux sien sim hix humz
Daengz lajbiengz
Gvaq ndwenngoenz angqyangz

Gwn daenj youq okdou
Gij saeh hung
Cwngfuj gig yawjnaek
Fazcanj gig vaiqved
Ngoenzngoenz bienq
Angqyangz cien fanhdaih



Seizcin gij yinghvah ndaw bya hai maeq lumj naj dahsau.

Dozcih

De yenzlaiz siengj caenndang buet daengz ranz Siu Cuh bae ra Siu Cuh, hoeng dak Buzsimjsam le, caemhcai q hix cienz gij siusik camyah okbae, gyaec’ gyawj haujlai vunz cungj rox Lungz Byauh yawj hwnj Siu Cuh lo, cingq dak mehmoiz cam. Danghnaeuz bonjfaenh youh buet bae caeuq Siu Cuh doxiu, mbouj dwg hawj vunz gangjriu ha? Ndigah seizneix de dauqfanj mbouj beij gaxgonq mbeihung lo, yienznaeuz ndawsim gwq ngeix, cix itcig mbouj gamj seizbienh bae ra Siu Cuh.

Ngoenzde, Buzsimjsam youh bibi buengqbuengq daeuj daengz ranz Lungz Byauh lo, daxmeh de lumj

•Sawcuenhraz Lwgnyez•

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dakdaih bouxhek youqgaenj nei cingj de naengh roengzdaeuj.

“Baenzlawz ne? Ranz de dwg maz eiqsei?”

“Gou cingq gangjgug ne!” Buzsimjsam riu dwk, aen bak hung miz song naed heujgim ronghmig lwenqda naeuz, “ranz de mbouj miz maz yigen, cij mbouj gvaq bohme de ngamq miz

dah lwg ndeu, youh dwg lwg daih’ it, coengmingz gaenx guh, gij saeh baihdaw baihrog caemhcai q hung-hung iqiq dingzlai cungj dwg de guh. Caiq gangj lo, de lij iq, bohme de sij mbouj ndaej geijlai ha……”

“Buzsimjsam!” Lungz Byauh youq henz dingq ndaej mbouj naihfanz lo, gij vah Buzsimjsam boekbinq

dauqdingq youh numqnumq menh-men, hawj Lungz Byauh hozndat, fwt cap haeuj coenz haenq ndeu, “lwnh hawj mwngz, gou ciuh vunz neix itdingh aeu Siu Cuh guh yah, mboujnex couh mbouj aeu! Mbouj-guenj bohme de nyienh mbouj nyienh!”

(caengz sat)